

## Mbete kí dɔsɔy kí Pol ndàngí adí Tesalonikí-je

### Ta-je kí dɔ mbete-tí kí dɔsɔy kí Pol ndàngí adí Tesalonikí-je

Pol ndàngí mbete kin kɔɔ kulə-né dingəm mee njékadmee-je-tí kí Tesalonikí rəm, kɔɔ mbusi-né nja-dé rəm. Bebo Tesalonikí lé to bebo kí dɔnangi Maseduwan-tí, kɔɔbe-tí lə dow-je kí Róm, kəl lo kí taá-tí lə grɛki-je. Mee Mbete kullə-tí lə njékwukulə-je kí 17:1-10 lé, 'ndàngí-tí kí Pol-je kì madkullə-je liə d'ilə mbɛ Poyta kí Maji bebo Tesalonikí-tí, 'ndàngí-tí kí jipi-je, kì jipi al-je d'adi mee-dé Jɛju Kristi rəm. Go-tí, jipi-je kí d'adi mee-dé Jɛju al d'osi ta Pol kɔɔ kullə liə kí ɛ ra kinlé, adi dɛ kì madkullə-je liə 'tee mee bebo-tí ndoo d'ay-nə. Ə go-tí, loki 'ree 'tee bebo Korɛnti-tí rəmə, mee Pol a kəkəkə kɔɔ njékadi mee-dé sigi kí bebo Tesalonikí-tí, adi ulə Timote rɔ-dé-tí. Lókì Timote təl ɔw rɔ Pol-tí gogì lé, idə Pol kí Tesalonikí-je lé, dan kulə-tí kí d'ulə kəm-dé ndoo kin ya kàrè, dɛ d'a gərərə dɔ kadmee-tí lə-dé rəm, bá mee ndigì dow-je-tí rəm. Mee Pol usi nangi adi ɛ ndàngí mbete kin adi-dé ra-dé-né oiyo rəm, tɔji-dé-né ndigì kí ɛ ndigì-dé rəm, bá kɔɔ ndó-dé-né né kí dɔ madi-é-tí rəm.

Kì lo kɔr-é-tí kí 1-3 lé, Pol gir dɔ kisi-dé-tí kí ndókì dɛ kì Tesalonikí-je d'isi nati kin rəmə, ɛ ra-dé oiyo. Kì lo kɔr-é-tí kí 4-5 lé, Pol ndó-dé né kí sɔbi dɔ təl ree lə 'Babe rəm, bá ndó-dé panjiyə kí d'a nəl-né 'Babe rəm.

Tɔji rɔ kì lapiya kí ra

<sup>1</sup> †Mā Pol, j'isi nati k̀̀ Silbē-je\* k̀̀ Timote b́́a m'ndàngi mbete kin m'adi-si s̄̀i njékəwnā-je ḱ́ kí b́́ebo Tesaloniki-ti ḱ́ kí 'nami k̀̀adi Bóbi-ji Lubə-ti rəm, 'nami k̀̀adi 'Babe Jeju Kristi-ti rəm. Kadì ramaji k̀̀ k̀̀ lapiya ǹ̀y sə-si.

*Panjiyə* njékəwnā-je ḱ́ kí Tesaloniki-ti k̀̀ k̀̀ kadm̄̄ə lə-dé

*Plp 1:3-6; Kol 1:3-8*

<sup>2</sup> J̄̄ j'ra oiyo Lubə k̀̀ ndo-je lay kdo ta lə-si lay rəm, b́́a m̄̄ə ta-je-ti ḱ́ j'isi j'pa siə k̀̀rè j'ilə ri-si dan-ti-dan-ti rəm to. <sup>3</sup> Kullə kadm̄̄ə lə-si, k̀̀ kullə ndigi ḱ́ 'ndigi dow-je, k̀̀ kində ḱ́ indəi m̄̄ə-si do 'Babe-ti lə-ji Jeju Kristi ya ā̀i do-ti njàngi kinlé, m̄̄ə-ji ole do-ti ǹ̀ Bóbi-ji Lubə-ti taá-taá. <sup>4</sup> S̄̀i ngankɔ-m-je ḱ́ njékadm̄̄ə lé, 'toi dow-je ḱ́ Lubə ində-si dan kəm-é-ti; j̄̄ j'gə ḱ́ ɛ mbəti-si. <sup>5</sup> Kdo Poyta ḱ́ Maji ḱ́ j'ilə mb̄̄-é j'adi-si lé, j'ilə k̀̀ ta ḱ́ ta-ji-ti par al, ngà j'ilə k̀̀ tógi rəm, Ndil ḱ́ aa njay ra sə-ji do-ti rəm, b́́a j̄̄ j'ilə k̀̀ m̄̄ənda kay rəm to. Panjiyə-ji ḱ́ dan-si-ti ḱ́ ndoki ooi kinlé, s̄̀i ya k̀̀rè 'gəi ḱ́ to b̀̀ kdo maji lə-si.

<sup>6</sup> †S̄̀i lé, s̄̀i 'ndaji kullə ra-ji rəm, 'ndaji kullə ra 'Babe rəm, kdotalə dan k̀̀-je-ti ḱ́ n̄̀ ya k̀̀rè Ndil ḱ́ aa njay adi-si 'taai ta lə Lubə k̀̀ rənəl. <sup>7</sup> Bəba s̄̀i 'təli-né néndaji lə njékadm̄̄ə-je lay ḱ́ dɔnangi Maseduwan-ti k̀̀ dɔnangi Akay-ti. <sup>8</sup> Kdotalə ta lə 'Babe ḱ́ ra kullə dan-si-ti lé, poy-é ɔw dɔnangi Maseduwan-ti k̀̀ dɔnangi Akay-ti; ngà to ɛ kin par al, m̄̄ə-si ḱ́ adi Lubə lé k̀̀rè dow-je d'oo poy-é ḱ́ lo lay sar adi j̄̄ j'ow ndoo pa ta-é al rəm ngá. <sup>9</sup> Kdotalə dow-je d'or poy kuwə ḱ́ uwəi-ji k̀̀ rə-si-ti rəm, d'or poy kinə ḱ́ in̄̀i magi-je kɔgi ə 'təli k̀̀

† 1:1 1:1 Knj 17:1 \* 1:1 1:1 Silbē lé ya to Silasi (Knj 15:22; 2Kɔ 1:19; 2Te 1:1) † 1:6 1:6 Knj 17:5-9

rɔ Lubə-ti kɔɔ kadi 'rai kullə adi Lubə kí tɔgrɔ-ti kí to njékiskəm rəm, <sup>10</sup> kɔɔ kadi 'ngəbi Ngon-é kí ndɔki adi-é tɔsi ndəl ində lo tɛɛ, kí à kɪ dɔrɔ-ti kɔɔ ree, adi to Jeju kí taa-ji ta wɔngi-ti kí à ree lé.

## 2

*Panjyə* Pol dan njékəwnə-je-ti kí Tesaloniki-ti  
*Knj 20:18-21,31-35; 2Kɔ 6:3-10; 12:12-15*

<sup>1</sup> Ngankɔ-m-je kí njékadmɛɛ, səi ya kàrè 'gəi kí kɔw-ji rɔ-si-ti lé, tò kɔgi kare al. <sup>2</sup> †Titi kí səi 'gəi-né lé, d'adi-ji kɔ kete mɛɛ bebo Pilipi-ti b́á 'taji-ji rəm; ya ngà jɛ j'ingə tógi rɔ Lubə-ti lə-ji b́á j'ilə-né mbɛ Poyta kí Maji liə j'adi-si dan rɔ-je-ti kí n̄ kin. <sup>3</sup> Kɔɔtalə ta lə Lubə kí jɛ j'isi j'ndó dow-je lé, to néndó kí takədi tò-ti al rəm, j'ndó kɪ tagir kí tò nɛ al rəm, b́á j'ədi-né dow al rəm tɔ. <sup>4</sup> Ngà Lubə n̄-ji oo b́á ulə kullə kilə mbɛ Poyta kí Maji ji-ji-ti, adi jɛ j'pa ta kɔɔ nəl-né dow-je al, ngà j'pa ta kɔɔ nəl-né Lubə kí njègə mɛɛ-ji. <sup>5</sup> Titi kí səi gəi-né lé, jɛ j'pa ta j'ədi-né kəm dow nja káre al rəm, b́á nja káre ya kàrè j'pa ta kɔɔ kingə-né né ji dow-ti al rəm; Lubə gə mɛɛ-ji bəti. <sup>6</sup> Jɛ j'sangi rifa rɔ dow-je-ti al rəm, j'sangi rifa rɔ-si-ti al rəm, b́á rɔ dow-je-ti kí rangi al rəm tɔ. Lé j'a ra-si kí lə njètógi-ti, kɔɔ to kí j'to njékɔwkulə-je lə Kristi, <sup>7</sup> ya ngà jɛ j'sɔl lɔm-lɔm dan-si-ti. Titi kí kɔ ngan-je tɔsi-né kəm-é do ngan-é-je-ti lé, <sup>8</sup> jɛ kàrè ndigi kí j'ndigi-si n̄ kinlé, j'ndigi kadi Poyta kí Maji lə Lubə ya par b́á j'ilə mbɛ-é j'adi-si al, ngà j'ndigi kadi daji rɔ-ji ya kàrè j'ilə kɔgi kɔɔ ta lə-si, kɔɔ səi 'təli dow-je kí j'ində-si dan kəm-ji-ti.

<sup>9</sup> Ngankɔ-m-je kí njékadmɛɛ, kullə-je kí j'ra, kɪ kɔ-je kí j'ingə lé, adi mɛɛ-si ole dɔ-ti. Loki j'isi j'ilə mbɛ

† 2:2 2:2 a Knj 16:19-24; b Knj 17:1-9

Poyta kí Maji læ Lubə j'adi-si lé, j'ra kullə ndoo-je kì kada-je kɔɔ kadì j'oy dow dan-si-tì al. <sup>10</sup> Səi njékadmɛɛ-je, panjiyə-ji kí dan-si-tì lé, aa njay rəm, to njururu rəm, ta kí dow à kilə dɔ-ji-tì goto rəm adì səi ooi bəti rəm, bá Lubə kàrè oo bəti rəm tɔ. <sup>11</sup> Né kí j'ra kì nà-nà dan-si-tì titì kí Bɔbi ngan-je ra-né kì ngan-é bè kin kàrè, səi 'gəi rəm. <sup>12</sup> Jɛ j'ulə dingəm mɛɛ-si-tì, j'sɔl mɛɛ-si, bá j'ndəji-si kadì adi panjiyə-si tuwə panjiyə dow-je kí Lubə ba-dé kɔɔ kɔbe liə rəm, kɔɔ riɓa liə rəm tɔ.

<sup>13</sup> Lokì jɛ j'ilə ta læ Lubə mbi-si-tì lé, səi 'ndigi dɔ-tì titì ta læ dow al, ngà 'ndigi dɔ-tì kí tɔgrɔ-tì ya to ta læ Lubə kí isi ra kullə mɛɛ-si səi-tì kí adi mɛɛ-si. Né kin bá jɛ j'ra-né oiyo Lubə taá-taá kɔɔ. <sup>14</sup> †Kɔɔtalə səi ngankɔ-m-je kí njékadmɛɛ lé, səi 'ndaji kullə ra njékəwnə-je kí gay-gay kí 'to njékəwnə-je læ Lubə kí 'to njénam kadi Jeju Kristi-tì kí d'isi dɔnangi Jude-tì, kɔɔtalə səi ya kàrè ingəi kɔɔ ji dow-je-tì kí bɛe lə-si ya, titì kí dɛ kàrè d'ingə-né gə kɔɔ-je kí káre kin ji jipi-je-tì tɔ. <sup>15</sup> †Jipi-je lé, dɛ ya 'tɔl njépata-je kí ta Lubə-tì rəm, 'tɔl 'Babɛ Jeju rəm, bá d'ulə kəm-ji ndoo rəm tɔ. Dɛ 'nəl Lubə al rəm, bá 'to njéba-je læ dow-je lay rəm tɔ. <sup>16</sup> Dɛ d'ɔgi-ji kilə mbɛ Poyta kí Maji kadì dow-je kí 'to jipi-je al, kɔɔ kadì d'aji al; beɓa dɛ jipi-je lé 'ra-né majal kí dɔ-tì par-par adi wɔngi ra Lubə dɔ-dé-tì.

*Pol ndigi təl kɔw koo njékəwnə-je kí Tesaloniki-tì  
Knj 17:14-16*

<sup>17</sup> Ngá jɛ rəmə, səi ngankɔ-ji-je kí njékadmɛɛ, dɔkaglo kí sɛ kí j'inəi-né-nə lé, kəm-ji oo-si al, ngà mɛɛ-ji rəmə tɔ dɔ-si-tì géréré. Beɓa ɓo kadì j'təl j'ɔw j'oo-si ra-ji nɔ adì j'ndur dɔ rɔ-ji-tì nɔ kadì j'ɔw j'oo-si. <sup>18</sup> Gin-é

† 2:14 2:14 Knj 17:5 † 2:15 2:15 Knj 9:23,29; 13:45,50; 14:2,5,19; 17:5,13; 18:12

kin bá j'ndigi kow njal rɔ-si-ti. Ma Pol ya m'na asi nja joo bè kadi m'ow rɔ-si-ti ya, ngà Satɔ ɔgi-ji lo-é. <sup>19</sup> Ndo kí 'Babe læ-ji Jeju à təl ree lé, ná kí rangi bá à to nékində mɛɛ do-ti læ-ji, kɪ rɔnəl læ-ji, kɪ jɔgi riɓa læ-ji takəm-é-ti bəy wa? <sup>20</sup> Oiyoy! Səi ya a toi riɓa læ-ji, kɪ rɔnəl læ-ji.

### 3

#### *D'ulə* Timote Tesaloniki-ti

<sup>1</sup> †Né kin bá jɛ j'oo-né lo ngəbi al, adi j'panè tò maji kadi j'isi kɪ kár-ji mɛɛ bebo Atɛn-ti nè. <sup>2</sup> Beɓa j'ulə ngonkɔ-ji Timote kí to ngonnjəkullə læ Lubə mɛɛ kullə kilə mbɛ Poyta kí Maji-ti læ Kristi kadi ɔw ulə dingəm mɛɛ-si-ti ə mbusi-né nja-si mɛɛ kadmɛɛ-ti læ-si. <sup>3</sup> Kdo kadi kɔ-je kí isi ingəi kinlé ra dow káre dan-si-ti adi səbi ngin-ngin al; kdɔtalə səi ya kàrè 'gəi bəti kí jəi lé j'isi kdo kadi kɔ-je kí bè kin ree do-ji-ti ya. <sup>4</sup> Lokɪ ndokɪ j'isi sə-si natɪ bəy ya j'idə-si kete j'panè j'a kingəi kɔ nɔ lé, səi 'gəi bəti né-é bá ree ngá tin. <sup>5</sup> Gin-é kin bá ma m'oo lo ngəbi al, adi m'ulə-né Timote kadi ɔw oo ta kí səbi do kadmɛɛ læ-si, kdɔtalə m'ɓəl kí njənɔ dow-je à kɪ nɔ-si sar kadi kullə kí j'ra dan-si-ti təl tò kɔgi kare.

<sup>6</sup> †Ngà Timote kí j rɔ-si-ti ree rɔ-ji-ti ngɔsnè bəy lé, idə-ji poyta kí maji do kadmɛɛ-ti læ-si, kɪ do ndigi-ti kí 'ndigi dow-je, bá idə-ji panè mɛɛ-si oy do-ji-ti al adi bo koo-ji ra-si titi kí jɛ kàrè bo koo-si ra-ji-né kin bè tɔ. <sup>7</sup> Səi ngankɔ-m-je kí njékadmɛɛ, né kin bá dan nékəmtondoo-je-ti kí lay kí tɛɛ do-ji-ti, kɪ dan kɔ-je-ti ya kàrè kadmɛɛ læ-si ra adi mɛɛ-ji sɔl. <sup>8</sup> Bone bè kinlé, mɛɛ-ji usi nangi, kdɔtalə kɔ kí ɔi njangi mɛɛ kində rɔ

† 3:1 3:1 Knj 17:15 † 3:6 3:6 Knj 18:5

nati k̀i 'Babe. <sup>9</sup> Ra ḱi 'rai-ji adi rɔ-ji nəl-ji n̄a n̄ɔ Lubə-ti kinlé, j'a ra-é oiyo kɔɔ ta lə-si ban b́á à kusí rɔ-ji-ti ón wa? <sup>10</sup> Beba, ndɔɔ-je k̀i kada-je lay ya j'pa ta k̀i Lubə j'to ta-é-ti pəkó-pəkó, kɔɔ kadi adi-ji tarəbi kadi j'ow j'oo-si rəm, kɔɔ kadi j'tol ta né ḱi nal-si m̄ɛɛ kadm̄ɛɛ-ti lə-si. <sup>11</sup> Kadi Lubə ya k̀i dɔ-é ḱi to Bɔbi-ji d̄ɛ k̀i 'Babe lə-ji Jeju d'adi-ji tarəbi kadi j'ow rɔ-si-ti. <sup>12</sup> Ndigna ḱi tò dan-si-ti, k̀i ndigi ḱi 'ndigi dow-je ḱi rangi kinlé, kadi 'Babe ra adi usi dɔ madi-é-ti par-par rəm, kadi al dɔ ḱi kete, titi ḱi j̄ɛ j'ndigi-si-né kin bè tɔ. <sup>13</sup> Beba 'Babe ya à kadi-si kuwə m̄ɛɛ nḡa kɔɔ kadi 'toi dow-je ḱi aai njay ḱi ta goto dɔ-si-ti n̄ɔ Bɔbi-ji Lubə-ti ndɔ-é ḱi 'Babe lə-ji Jeju Kristi à ree nati k̀i njékadm̄ɛɛ-je liə lay.

## 4

*Panjiyə ḱi nəl Lubə*

*1Pi 1:14-16; 4:1-5; Ep̄ɛ 5:3-8; 1Kɔ 6:13-20*

<sup>1</sup> Beba səi ngankɔ-m-je ḱi njékadm̄ɛɛ, né ḱi a rai b́á a nəli-né Lubə lé, səi 'ndói rɔ-ji-ti ngá, ə né-é-je lé ya səi isi 'rai rəm ngá tin. Ngà j̄ɛ j'dəji-si ə j'ulə dingəm m̄ɛɛ-si-ti k̀i ri 'Babe Jeju kɔɔ kadi panjiyə-si kinlé, ɔwi-né kəm-si k̀i kete-kete. <sup>2</sup> Kɔɔtalə ndu ḱi j'ingə rɔ 'Babe Jeju-ti b́á j'adi-si lé, səi 'gəi b̄əti.

<sup>3</sup> Né ḱi Lubə ndigi ón: Kadi isi tagay kɔɔ Lubə ə kadi 'rai kaya al. <sup>4</sup> Kadi n̄á-n̄á dan-si-ti ngəm rɔ-é kadi aa njay rəm, kadi un rɔ-é ra-né né ḱi tɔgrɔ-ti, <sup>5</sup> b̄i adi b̄o né-je ḱi maji al ra-si lɔy-lɔy titi ḱi njékadm̄ɛɛ al-je ḱi 'to njégə Lubə al d'isi 'ra-né kin bè al; <sup>6</sup> kadi dow káre dan-si-ti ndɔn njékadm̄ɛɛ madi-é ra siə majal ḱi titi-n̄a bè kin al, kɔɔ dow-je ḱi njéra né-je ḱi bè kinlé, Lubə à gangta dɔ-dé-ti. Ndɔki j'idə-si j'ndəji-si-né kete ngá. <sup>7</sup> Kɔɔtalə Lubə ḱi b̄a-ji lé, b̄a-ji kɔɔ kadi j'rai né-je ḱi tò n̄ɛ-n̄ɛ

al, ngà ɓa-ji kɔɔ kadi j'tɔli dow-je kí j'toi tagay. <sup>8</sup> Dow kí mbatì néndó kin rəmə, to dow ɓá ɛ mbatì-é al, ngà to Lubə kí njèkadì-si Ndil-é kí aa njay kin ɓá dowbé mbatì-é tin.

<sup>9</sup> Ta kí sobi do ndigna kí kadi tò dan-si-ti səi njèkadmɛɛ-je lé, səi ɔwi ndoo kadi dow ndàngi ta-é adi-si al ngá, kɔɔ Lubə ya ndó-si kadi 'ndigi-na. <sup>10</sup> Ndigna lé, ɓá səi 'tɔji ki rɔ njèkadmɛɛ-je-ti lay kí dɔnangi Maseduwan-ti ɓikti tin; ya ngà, səi njèkadmɛɛ-je, j'dəji-si kadi ndigna kinlé, ɔwi-né kəm-si ki kete-kete ya ɓəy. <sup>11</sup> Titi kí j'un-né ndu j'adi-si lé, adi ta kisi-na kɔ lapiya ɓá to rɔ-si rəm, kadi ori kəm-si do kullə-je-ti lə-si kí sobi do-si ə 'rai kullə kɔ ji-si kɔ rɔ-si; <sup>12</sup> bə kɔ kadi panjiyə-si maji takəm njèkadmɛɛ al-je-ti rəm, ɓá kadi ɔyi dow al rəm to.

*Ta kí do koy njèkadmɛɛ-ti kɔ təl Jeju*

*1Kɔ 15:19-58*

<sup>13</sup> Səi ngankɔ-m-je kí njèkadmɛɛ, ta kí sobi do dow-je kí d'oy lé, j'ndigi kadi isi-né do mbə-ti al, nè a rai wɔngi yo tana kɔ dow-je kí rangi kí nékində mɛɛ do-ti lə-dé goto kin bə. <sup>14</sup> Kɔɔtalə titi kí j'adi-né mɛɛ-ji kí Jeju oy ə tɔsi ndəl ində lo tɛɛ lé, bə ya to j'adi mɛɛ-ji kí dow-je kí d'adi mɛɛ-dé Jeju ɓá d'oy lé, Lubə à kadi 'tɔsi ndəl d'ində lo 'tɛɛ d'isi nati kɔ Jeju to. <sup>15</sup> †Ooi, ta kí 'Babe pa ɓá j'ow kidə-si rəsi tin: Ndo kí 'Babe à təl lé, jəi kí j'isi kəm ɓá j'a kɔwi kete nɔ də kí d'oy-ti lé al. <sup>16</sup> Kɔɔtalə loki ká né à ɓa rəm, ndi burə do malayka-je à ɓa rəm, ɓá təbi mbanga lə Lubə à ɓa rəm lé, 'Babe ya kɔ do-é à kɔ dɔra-ti kɔ ree rəmə də kí d'adi mɛɛ-dé Kristi ɓá d'oy lé, də ɓá d'a tɔsi ndəl kində lo tɛɛ dɔsay. <sup>17</sup> Go-ti ngá ɓá jəi kí j'isi kəm kí j'a nəyi lé, Lubə à kɔy-ji lay kadi

† 4:15 4:15 1Kɔ 15:51,52

káre nati sə-dé dan kilndi-ti kdo kadi j'ingəi 'Baʔe dan yól-ti, beʔa j'a kisi kə 'Baʔe nati ya sartagangi. <sup>18</sup> ǝ 'soli mǝǝ-nə kə ta-je kinlé.

## 5

*Kində kəmkaa do ro-ti ngəbi-né təl Jeju*

*Mat 24:36-51; Luk 12:35-40; Róm 13:11-14*

<sup>1</sup> Səi ngankɔ-m-je kí njékadmǝǝ, ta kí sɔbi do dokadɪ əse doʔkaglo kí né-je kin à ra-né né lé, səi ɔwi ndoo kadi dow ndangi adi-si al ngá. <sup>2</sup> †Kdotalə, səi ya kàrè 'gəi maji yóróró kí ndo lə 'Baʔe lé, à kubə dow-je nangi busi titi kə njèbogi ubi-né dow-je nangi ndoo busi kin bə. <sup>3</sup> Loki dow-je d'a panè: «Lapiya tò ngá! Né à ra-ji al!» Ngá ʔá tuji à kubə-dé nangi busi titi ndo kí tǝǝ kə njèsəm pati kin bə ə d'a tǝǝ kəm-ti al. <sup>4</sup> Ngà səi ngankɔ-m-je kí njékadmǝǝ, səi isi londul-ti ʔá ndo lə 'Baʔe à kubə-si nangi busi titi njèbogi bə al. <sup>5</sup> Səi lay ya 'toi ngan-je lə lo kí ndogi rəm, 'toi ngan-je lə lo kí kada rəm. Jəi j'toi ngan-je lə londul al rəm, j'toi ngan-je lə lo kí ndoo al rəm. <sup>6</sup> ǝn ǝ adi j'toi ʔi tanə kə ndəgi dow-je al, ngà adi j'isi kəm do ro-ji-ti rəm, j'indəi kəmkaa do ro-ji-ti rəm to. <sup>7</sup> Kdotalə njétobi-je lé, ndoo ʔá 'to ʔi ə njéyibi ra-je kàrè, ndoo ʔá yibi ra-dé. <sup>8</sup> †Ngà jəi kí j'toi dow-je lə lo kí kada lé, tò kadi j'indəi kəmkaa do ro-ji-ti, kdo kadi j'adi kadmǝǝ kə ndigi dow-je tò mǝǝ-ji-ti titi ngowla kɔn kadi asgar-je bə ə j'adi mǝǝ kí kində do kajit-ti tò titi jɔgi kɔn do asgar-je bə. <sup>9</sup> Kdotalə Lubə mbəti-ji kdo kadi wɔngi liə ree do-ji-ti al, ngà mbəti-ji kdo kadi j'aji kə takul 'Baʔe lə-ji Jeju Kristi. <sup>10</sup> Kristi lé oy kdo ta lə-ji, kdo kadi lé, j'isi kəm əse j'oyi kàrè, kadi j'isi kəm nati

† 5:2 5:2 Mat 24:43; Luk 12:39; 2Pi 3:10 † 5:8 5:8 EpE 6:13-17



siə. <sup>11</sup> Gin-é kin b́á, kadi uləi dingəm m̄e-n̄a-ti 'rai k̀i n̄a kadi ɔwi k̀i kete-kete m̄e kadm̄e-ti titi k̀i rai-né kete-kete kin b̀e.

S̄oy ndəji-je k̀i tərndi-je

R̄om 12:17-20

<sup>12</sup> S̄əi ngankɔ-m-je k̀i njékadm̄e, j'dəji-si kadi uni ta dow-je k̀i d'isi 'ra kullə dan-si-ti rəm, d'isi d'or n̄ɔ-si rəm, b́á d'isi ndəji-si dɔ né-je-ti k̀i ri 'Babe rəm tɔ. <sup>13</sup> D̄e lé, kadi 'ndigi ta lə-dé n̄a ə kadi indəi-dé dan kəm-si-ti, kɔ kullə lə-dé. Isi-n̄a k̀i lapiya.

<sup>14</sup> S̄əi ngankɔ-m-je k̀i njékadm̄e, j'dəji-si b̄əy kadi 'ndangi dow-je k̀i panjiyə-dé to jugi-jugi ə 'soli m̄e dow-je k̀i m̄e-dé gangi man, isi dɔ-ti k̀i dow-je k̀i tógi-dé asi al, ə iləi m̄e-si dɔ madi-é-ti p̄ɔ k̀i dow-je lay. <sup>15</sup> Dow ra sə-si né k̀i maji al k̀arè ooi n̄ə a 'rai siə né k̀i maji al tó-ti; ngà 'sangi kadi 'rai maji ya k̀i ndɔ-je lay dan-si-ti əse k̀i dow-je lay.

<sup>16</sup> Adi rɔ-si nəl-si k̀i ndɔ-je lay.

<sup>17</sup> In̄əi ta pa ta k̀i Lubə al. <sup>18</sup> M̄e né-je-ti lay ya 'rai oiyo Lubə. Né-je kin b́á Lubə ndigi kadi s̄əi k̀i 'nami k̀adi Jeju Kristi-ti 'rai.

<sup>19</sup> ɔgi Ndil k̀i aa njay lo ra kullə al.

<sup>20</sup> 'Nədi ta-je lə njépata-je k̀i ta Lubə-ti al.

<sup>21</sup> Ngà 'ndəri gin né-je lay ə uni k̀i maji dan-ti.

<sup>22</sup> Né-je k̀i maji al lay ya itəi rɔ-si ngərəngi k̀adi-ti.

<sup>23</sup> Kadi Lubə k̀i njékadi lapiya ya adi 'təli dow-je k̀i aai njay b̄ikti lay ə kadi ɛ ya ngəm daji rɔ-si b̄ikti, adi to tagir lə-si, k̀i ndil-si, k̀i daji rɔ-si kɔ kadi ta goto dɔ-si-ti ndɔ ree-ti lə 'Babe lə-ji Jeju Kristi. <sup>24</sup> Lubə k̀i njèba-si ya à ra né-je kinlé, kɔ ɛ to njək̄a dɔ ndi-é-ti.

<sup>25</sup> S̄əi ngankɔ-m-je k̀i njékadm̄e, 'pai ta k̀i Lubə kɔ ta lə-ji.

<sup>26</sup> Səi ngankɔ-m-je kí njékadmɛɛ 'rai-n̄ lapiya kuwə-n̄ kàdì-n̄-ti k̄i mɛɛ kí aa njay.

<sup>27</sup> M'dəji-si k̄i ri 'Babe kadi mbete kinlé toki ndó kadi njékadmɛɛ-je lay ya.

<sup>28</sup> Kadi ramaji lə 'Babe lə-ji Jezu Kristi n̄y sə-si.

Ta lə Lubə Kunmindī kī Sigi

Mango: Ta lə Lubə Kunmindī kī Sigi (New Testament)

copyright © 2020 Wycliffe Bible Translators, Inc.

Language: (Mango)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 14 Jun 2022 from source files dated 13 Jun 2022

a2451d3b-54b4-50ec-847f-e964bc48641a